



Broj: 14-14-15555-5/17
Datum: 20.12.2017. godine

Na osnovu člana 70. i člana 25. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-14-15555-4/17 od 19.12.2017. godine, u postupku javne nabavke „Nabavka prehrambenih i neprehrambenih artikala za potrebe kafe kuhinja“ Zeničko-dobojskog kantona, direktor Službe za zajedničke poslove Zeničko-dobojskog kantona, donosi:

ODLUKU
o izboru najpovoljnijeg ponuđača

1. Prihvata se preporuka Komisije za javnu nabavku iz Zapisnika broj: 14-14-15555-4/17 od 19.12.2017. godine i ugovor za „Nabavku prehrambenih i neprehrambenih artikala za potrebe kafe kuhinja“ za potrebe Zeničko-dobojskog kantona dodjeljuje se ponuđaču: „Gold Mignon d.o.o. Sarajevo ul.Olimpijska bb, 71000 Sarajevo, za ponuđenu cijenu od 31.020,10 KM, kao najbolje ocijenjenom ponuđaču.
2. Ponuđač kojem se dodjeljuje ugovor dužan je dostaviti dokumente iz člana 45. i 46. navedene u tački 3.1 i 3.2. tenderske dokumentacije u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
6. Za realizaciju ove Odluke zadužuje se Služba za zajedničke poslove.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj: 14-14-15555/17 od 16.11.2017.godine, pokrenula postupak javne nabavke.

Javna nabavka je provedena po otvorenom postupku u skladu sa članom 25. Zakona o javnim nabavkama. Procijenjena vrijednost nabavke je 70.000,00 KM bez PDV-a.

Ugovorni organ je objavio obavještenje na portalu javnih nabavki broj: 771-1-1-31-3-23/17 dana 16.11.2017. godine i u „Službenom glasniku BiH“ broj 84 dana 24.11.2017.godine. Ispravka za obavještenje o nabavci, broj: 771-1-1-31-8-25/17 objavljena je na portalu javnih nabavki 30.11.2017. godine i ispravka za obavještenje o nabavci 771-1-1-31-8-27/17 objavljena je na portalu javnih nabavki 14.12.2017. godine.

Komisija za provođenje postupka javne nabavke, koja je imenovana Rješenjem broj: 14-14-15555-1/17 od 16.11.2017.godine, blagovremeno je izvršila javno otvaranje ponuda, te pregled i ocjenu ponuda i zapisnikom od 19.12.2017.godine, konstatovala da su u predviđenom roku dostavljene tri ponude: „Gold Mignon“ d.o.o. Sarajevo, TD „Nova trgovina-S“ d.o.o. Kakanj i „Inter-com“ d.o.o.Zenica.

Nakon pregleda i ocjene ponuda naprijed navedenih ponuđača, Komisija je u zapisniku od 19.12.2017.godine konstatovala da su sve ponude prihvatljive.

Komisija za javnu nabavku je shodno kriteriju „najniža cijena“ i u skladu sa Odlukom o obaveznoj primjeni preferencijalnog tretmana domaćeg («Službeni glasnik BiH», broj: 83/16) izvršila rangiranje ponuda kako slijedi:

Red. br.	Naziv i sjedište ponuđača	Ponuđena cijena bez PDV-a (KM)	Primjena preferencijalnog tretmana-Cijena bez PDV-a (KM)	Rang
1.	Gold Mignon d.o.o. Sarajevo	31.020,10	27.918,09	1
2.	TD „Nova trgovina-S“ d.o.o. Kakanj	31.933,90	28.740,51	2
3.	Inter-com d.o.o. Zenica	33.449,20	33.449,20	3

U skladu sa naprijed navedenim, Komisija je dala preporuku ugovornom organu za donošenje odluke o izboru ponuđača „Gold Mignon d.o.o. Sarajevo, kao najpovoljnijeg ponuđača za predmetnu nabavku.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog, donesena je odluka kao i dispozitivu.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno: 1x Ponuđači
1x a/a

